

四庫全書

子部

欽定四庫全書

子部

小兒衛生總微論方卷六
七

詳校官太醫院思糧臣表天錫

編修臣倉聖脈覆勘

總校官進士臣繆 琪

校對官中書臣李斯咏

謄錄監生臣王鍾岱

欽定四庫全書

小兒衛生總微論方卷六

驚癇別論

驚癇咬牙

小兒驚癇發搐有咬牙不休及未發發過時亦常咬牙者予在行朝有李統制一子病症如是遂請衆醫詢治有言是驚入於腎者此乃喬岳漢東王先生歌中睡裏咬牙驚入腎之句其意謂牙為骨骨入腎故以言之此

常流無據語也古書無有亦無驚入腎之理果用藥無
驗今詳校其証特為明之乃足陽明之病也足陽明為
胃之經起鼻交額循鼻外入齒中還出俠口環唇下交
承漿過頤後出大迎循頰車且發搐為風風屬木胃屬
土木能刑土是以牙齒受風則痒頰車邪干則緊故使
咬牙不休以緩頰車之急以解牙齒之痒也治當去胃
中風

暗癩

暗瘖其病似驚瘖又似中風瘖病遇其發時則暗地急
至今人僵仆心神昏塞志意迷悶氣亂不省手足彈撥
戰掉搖擗喉中涎響或吐痰沫或作吼叫其脉三部陰
陽俱盛每發遠則終日或半日近則一兩时辰發過便
起却如不病之人俗呼謂之瘖病稍輕者謂之暗風古
人又云小者發則為驚大者發則為瘖小者氣血怯嫩
發即難當而傷多大者氣血壯盛即易任而失少

驚瘖餘証

小兒驚癇搐搦至發定之後有諸餘証不退者雖大勢已罷而病本尚在或服冷熱藥過多或汗下之失宜故癇搐難退而有餘証也

驚癇兼別病

小兒病久發搐則五臟俱虛並受其病故發則血亂心氣并肺搐搦肝昏困脾體冷腎又有因虛而別病兼發或別病而因帶驚癇或有一方兼治之者並採而具之治驚癇咬牙方

蟬花散治驚風咬牙并夜咳嗽

蟬花

和殼去土

殭蚕

去絲翳直者酒浸炒熟

甘草

各一分

玄胡索

去皮

半分

右為細末一歲上兒一字至三四歲者半分煎去土

蟬殼湯調下無時

小鎮心圓治諸驚咬牙不寧大便色青

朱砂

水飛

鐵粉

京墨

各一兩

腦子

射香

各一字

右為細末陳米飯和圓菜荳大每服二三圓荊芥湯

化下無時

治暗瘡方

真熊膽

半兩
研

生天南星

末半兩
研

粉霜

一分

硃砂

半兩
研飛

雄

黃

半兩
水磨

腦子

半錢
研

射香

一錢
研

右勻研細用獾豬膽汁和九粟米大每服五七丸至

十五丸金銀薄荷湯下無時

神烏散治暗風瘡極妙

歌曰

臘月烏鴉一箇全 半兩硃砂口內填

麻纏烏觜安瓶內

用瓶
藏盛

鹽泥固濟火中安

窰乾
火煨

黃昏上火天明住

用木炭
一稱半

取出節羅為末研

每服一錢射酒下

一日
三服

服之十日定須痊

又方

名同治同前

渾黑老鴉

一箇
全者

胡桃

七
枚

蒼耳心子

七
個

右用一藏瓶入逐藥味在內鹽泥固濟木炭火煨煙

盡為度取出研細每服一錢空心熱酒調下如患症
氣腎腫陰囊偏墜更入新生孩兒胎衣一副同燒亦
依上法葱椒熱酒調下看大小加減

異聖散治癩病日發數次諸藥不能差

猪蹄甲

不以多少淨洗去帶毛處剉碎於鍋內炒
令烟盡取出於地上厚鋪帛攤其藥以

盆蓋之候三日出

金星石

銀星石

青礞石

各

火毒畢為細末

勸三石同入一盒內以馬糞和泥固濟晒乾先用
熟火漸燒之次添炭火煨令通赤取出仍先令
掘一地坑深一尺取藥合在地坑
內用土蓋埋二日出火毒為細末

右用猪啼甲末二两石末一两半再研勻細入生麻油半两再研極勻每服半錢以漿水研百遍調下空心食前服小者減之

日應丹治癩病連年不差

黑錫

硫黃

水銀

鐵粉

各一兩

金箔銀箔

各三十片

右先將錫於鐵銚內鎔化次入水銀不住手攪令勻次入硫黃諸藥同炒攪勻離火再炒良久都傾出用紙襯地上頓一宿出火毒訖再研令勻細以熟軟粟

米飯和丸菘苳大每服五七粒煎人參湯送下無時
接生如聖丸治癩病暗風年深不差

赤石脂

二兩

硝石

半兩

白礬

枯過一分

右為細末糯米粥和丸菘苳大每服十九十五丸温
水送下食後日三服如日一次發者服半月即愈

啄木散治多年癩病

臘月啄木鳥一個用無灰酒三升先以瓦罐子一個
底鋪荊芥穗葉厚一寸上頓啄木鳥又用荊芥穗葉

蓋一寸厚傾酒在內仍用紙封合鹽泥固濟炭煨之
候酒乾青煙出為度去火放冷只取啄木鳥研為
末次入下項藥

石膏

二兩
煨研

鐵粉

用漿水半升煮盡
研細末用一兩

朱砂

一分
水飛研

附

子

一兩正坐者
炮烈去皮臍

射香

一分
研

腦子

一錢
研

右同勻細末每服一錢先令病人呷溫水三兩口以
溫酒一盞先少許調藥飲之餘酒送之服畢便就枕
睡少時臨發時一服候一兩日更服一次每兩日一

服不過十服即愈予有一親姓王患病十餘年發即
涎潮手足僵蹇顛仆不省服此藥百服而愈小兒可
減服

又方

取芭蕉自然汁時時呷一兩口甚者服及五升必愈
前有親姓王同服此得効二者恐不可病廢此亦治
驚癇搖擗邵通直云加射香尤妙

治諸癇通用方

開闔散治諸癩潮發牙闔紫急口噤不開不能進藥

蟾酥

片一小

鉛白霜

字一

右研令極細用烏梅肉醮藥於兩口角措擦良久乃
開以進別藥

蝎稍散治如前

蝎稍

七個

朴硝

一錢

右同研細每用一字或半錢措牙須臾即牙闔口噤
自開然後進別藥

定命丹治諸癩發搐壯熱昏塞不省

蝎

七個
微炒

天南星

炮烈為
末一分

白附子

炮過為
末半分

青黛

半錢
研

蟾酥

一錢乾者
酒浸一宿

射香

一字
研

右為細末粟米粥和丸菘苳大別以青黛為衣新生
兒用細粉一捻油兩滴新汲水一蚬殼化藥一米粒
許與服便當小利取下胎中舊糞則驚熱諸疾不生
若患驚癇困重者用荊芥薄荷湯化下一丸得困睡
無疑至覺乃愈但有患者先化下一丸滴入鼻中得

嚏者為必差不嚏者難治

人參菴神湯治諸癩發搐精神昏憤

羚羊角屑

人參

去蘆

菴神

剉去心木

上各一兩

天門冬

去心

白鮮皮

已上各半兩

天竺黃

甘草

各一分

右為末每服一錢水一盞入姜二片薄荷三葉同煎

半盞去滓溫服無時

鐵粉丹治諸癩搐搦包絡有涎膏膈不利

鐵粉

一兩研

硃砂

半兩研飛

牛黃

一分研

乾蟾

一隻生

姜自然汁浸一時

炙焦
為末 蝎稍 七箇

右為細末糯米飯為丸黍米大每服三五丸煎人參

湯下無時

大驚丸治諸癩發搐神志昏亂痰涎壅塞

雄黃

一錢 研飛

青礞石

一錢 火煨研

鐵粉

二錢 半

硃砂

三錢 研飛

蛇

黃

火煨醋淬九次研飛二錢

蝦蟆灰

一錢 半

右研勻以水浸餗餅和丸桐子大每服一圓煎薄荷水磨剪刀股化下日二三此藥治驚化涎不用銀粉

服之則無他苦不拘時候

睡驚丸治諸驚癇搐搦痰壅昏憤咽膈不利

鐵粉

研末重羅

茯苓

蛇黃

火煨赤米醋淬七次將醋煮乾為度

使君子

肉

天南星

礞為粉以薄荷汁和為餅炙乾

右各秤捌錢末入金銀箔各乙拾片射香一錢腦子

半錢拌研勻細糯米稀糊丸皂子大朱砂為衣每用

五歲上兒一九分二服三歲下兒分三四服並薄荷

湯磨下無時

猪膽半夏丸治諸般癩瘡

右以半夏乙兩湯洗七遍用猪膽三箇取汁浸半
夏於磁器中日曬乾切片焙燥為細末生姜自然汁
煮麩和丸桐子大每五七丸至十九煎麥門冬熟水
下食後臨卧各一服忌動風毒物其効如神

天麻防風丸治一切諸癩抽掣搐捻精神昏憤痰涎不
利及風温邪熱等疾

天麻

防風

去蘆并
又枝

人參

去蘆各
一兩

乾蝎

白殭蠶

去絲嘴並
炒各半兩

硃砂

水飛

雄黃

各研

甘草

炙各一分

牛黃

射香

各研各
一錢

右為細末煉蜜和丸桐子大每服乙二丸薄荷湯化
下無時

神聖辰砂南星丹諸癩發搐服之曾經大効

右以天南星四十九箇乙般大者於五月五日取活
蝎四十九箇與南星同頓在乙瓦器中盛之用鹽泥
固濟外邊周密吊於淨室中至臘日取出揀天南星

曾被蝎蜇者用之曾經蜇者有小竅子為驗其不曾
經蝎蜇者不用將可用南星以酒浸乙宿焙乾杵為
末次用好辰砂乙分真牛黃射香龍腦各乙錢研細
乙處拌勻生姜汁和丸桐子大每服乙二粒煎人參
薄荷湯化下無時

蚰螂散治諸癩經驗

右以蚰螂三十枚全者用乙大石榴割開頂上取去
穰子作一甕子入蚰螂在內却以割下頂子蓋之紙

筋黃泥固濟厚半指許初近火炙漸至乾入火燒令
通赤良久放冷取其中焦黑者細研為散每服一字
乳汁調下兒稍大用半錢防風湯下無時

白金散治諸癩潮發不省困重

白殭蠶

去絲嘴直好者半兩
湯洗焙為黃為末

天竺黃

一分
細研

真牛黃

一錢
別研

射香

研

龍腦

研各
半錢

右拌研勻細每服半錢生姜自然汁調灌服無時

神授至聖保命丹治一切驚癩風瘧中風并胎驚內吊

腹肚堅硬夜啼發熱急慢驚風惡候困重上視搐掣角弓反張倒仆不省昏憤悶亂等疾

全蝎

十四箇青色者

朱砂

水飛二錢好者

射香

半錢防風

去蘆并叉枝一錢

金箔

十片研

天麻

二錢白殭蠶

去絲嘴直者一錢

白附子

二錢好者

天南星

一錢蟬殼

去土泥二錢

右為細末粳米飯和丸櫻桃大以硃砂為衣初生兒半丸周晬兒一九乳汁或薄荷水化下三五歲有急候者用二九五七歲至十歲常服只一九此藥性平

温不冷不熱大能鎮心神退驚癇安魂定魄祛風逐
邪化涎消痰甚有神効世之名醫固多妙藥如或未
得此方請試合一料驗之方知子細養小之家能自
合之庶不為銀粉藥所誤兼緩急亦可救人服之無
時

青金定命丹治諸驚癇抽掣癡等疾

水銀

研膏

辰砂

水飛

全蝎

小者

天南星

生

犀角屑

各八分

天

麻白附子

燒存性

白殭蠶

去絲嘴直者各一兩

青黛

半兩

射香

兩

錢二

右同為細末先用煮熟棗肉與水銀研膏至無星為度然後和藥末如硬更入棗肉候得所即丸如鷄頭大每服一丸薄荷溫湯下無時

治驚癇後餘證方

延壽散治癇搐止後再被驚著仍要發搐

鷄舌香

錢一

黃芪

一分蜜炙黃

辰砂

錢一水飛

五靈脂

去砂石半錢研

右為細末嬰小用一字二三歲半錢四五歲一錢糯

米飲調下無時

迴魂散治癇搐差後多吐逆腹脹氣急不食及罷驚之後一切虛候皆主之

人參去蘆茯苓

去黑皮

甘草

白殭蠶

去絲嘴

硃砂

水飛各一

分

白附子

一錢半炮

全蝎

一錢

蝉殼

去土淨洗去足二十箇

右為細末每服半錢或一錢煎冬瓜子薄荷清米飲調下量大小與之乳食前

仙烏豆治因發驚癇之後心神失守而癡

號丹^二
兩晉礬^二
兩

右同為末入一合子盛先用蛤粉封口縫後以鹽泥
固濟炭火煨通赤放冷取出研末以水一斗黑豆五
升同藥末於鍋中煮至水盡為度曬乾任意與食服
無時

通關散治驚癇退後只是聲啞不能言

右以天南星炮烈為細末嬰小半字一字二三歲至
四五歲兒半錢六七歲兒一錢獷猪膽汁調服啞下

便能言語昔錢乙治王氏子慢驚退後不語他醫作
失音治之不差一曰既失音何開目而能食飲又牙
不噤而口不緊也諸醫皆不曉一曰此前患驚癇時
曾用清藥利大小便致脾腎俱虛今補脾實而治驚
已退腎尚虛怯不能上接於陽故也遂以地黃丸補
數日能言其方本集載之

天茄散治驚癇退後筋脉不舒不能行步或因汗出驚
退而汗出不通所致

茄種

見霜者半兩
切碎焙乾

附子

半兩炮
去皮臍

羌活

去蘆一
分焙

右為末二三歲兒一字五七歲半錢七八歲一錢射

香酒調下日三疾愈止服不拘時候

治驚癇兼別病方

射香餅子治慢驚因虛而風邪又從背俞襲之入傷心
肺之經為相合之病成慢驚本証之外更加背滿短氣

胃悶不省汗出無時

外但心肺中風
者具中風門中

川烏頭

半兩炮
去皮臍

天南星

半兩炮

白花蛇

酒浸一宿去
皮骨焙乾半

兩 乾蝎稍半
兩 赤頭蜈蚣
二條酒浸酥炙
黃已上俱為末
射香半兩

研 乳香一分
研 硃砂一分
研 鐵粉一分
研 牛黃一分

右同拌研勻細酒糊丸鷄頭實大捻扁每服一餅人

參薄荷湯化下

烏稍丹治如前

烏稍蛇水浸去皮
骨二兩 天漿子二十一箇
微炒去殼 天麻一兩 防風

去蘆并叉
枝一兩到 天南星一兩
微炮 乾全蝎一兩
去毒 白附子一兩
炮

大附子一枚炮烈
去皮臍 半夏一兩湯
洗七次 人參去蘆
一兩

右都一處好酒浸三宿取出焙乾為細末次用水磨
雄黃一兩辰砂一兩同研細水飛焙乾射香二錢龍
腦一錢各研細與上件同拌勻糯米飯和丸黍米大
每服五七粒至十粒十五粒量大小加減金銀薄荷
湯送下神驗不拘時候

乾漆葹萸散治諸般蟲証傳帶驚癇齧齒直視上竄叫
呼搖搦漸成危急

乾漆

杵碎炒令
煙盡即止

白葹萸

去皮各
等分

右為末每小者一字大者一錢米飲調下日三量大
小加減以差為度乳食前

絳朱丹治驚癇涎痰咳嗽喘滿

南星二兩 半夏三兩湯洗七次去滑 白礬枯過秤一兩半 滑石二兩火煨

通赤鉛霜半兩研

右為末糊丸麻子大朱砂為衣每服十九生薑湯送

下乳食前

緩息湯治虛而生風發搐喘滿此慢驚候

桑白皮

三兩

白茯苓

去黑皮 一兩

白殭蠶

去絲嘴 一兩

杏仁

去皮

火炒黃荆 研 一兩後入

甘草

半兩 炙

人參

去蘆 半兩

桔梗

去蘆 一兩 挫

白

朮

二兩

陳皮

一兩 去白

右為末每服一錢水一盞入生姜三片同煎至六分

去滓放溫時時呷之此黑孩兒栢防禦方也服之便

定

青金丹治諸癩諸疔諸蟲瀉痢等疾

青黛

二分 研

雄黃

二分 研

硃砂

二分 研

胡黃連

二分 膩粉

熊膽

溫水化

盧會

各一分

白附子

腦子

射香

各半字

蟾酥

一皂子大

水銀

皂子大一塊

硃砂研無星

右為末同勻用獷猪膽汁熬過浸少烝餅和丸黃米

大一歲兒二丸量大小增減如諸癩潮搗先以一丸溫

水化破滴鼻中令嚏吊眼者自下搗搦亦定更用薄

荷湯化下一二服如變蒸寒熱亦薄荷湯化下諸般

瀉痢米飲下諸疔粥飲下疔蟲虻咬苦練子湯下疔

蝕口瘡鼻爛乳汁研塗疔眼雀目白羊子肝一片竹

刀批開研藥作末摻在肝片內麻纏米泔煮熟空心服乳母常忌毒魚大蒜鷄鴨猪肉

如聖青金丹治一切風癩搐搦及寒熱腹痛諸蟲五疳八痢肚大脚細泄瀉無時天吊胎驚暗風癩病熱疔口瘡等疾悉能主之

青黛半瓜蒂一分

硃砂一分

水飛輕粉一分

蝉殼一分

雄黃三分

去土

雄黃

水飛

盧會一分

胡黃連一分

熊膽一分

射香一分

化開

許

右為末勻細用獾猪膽汁和丸桐子大磁合貯之諸

般驚癇風疾搐搦上視溫水化一九滴鼻中嚏噴立
効更用薄荷水化下一九久患泄瀉腹脹肚大脚細
諸疔米飲化下餘同前方

射香丸治諸癇諸疔等疾

龍膽草

去

蘆胡黃連

去須各
半兩

木香

蟬殼

去土
一分

瓜蒂

龍腦

射香

牛黃

各一
錢

右為末勻細豬膽汁和丸作兩等九大者如棗豆小
者如黍米治疔眼用豬肝湯下五七九至一二十九

量大小用藥增減疳渴者猪肉湯下驚癇發搐上視
薄荷湯下更研一九滴鼻中牙疳鼻疳口瘡研末傳
之蟲痛煎苦練湯或白蕪荑湯下百日內兒大小便
不通水研封臍中諸蟲証加乾漆射香各少許入生
油一兩滴溫水化下驚疳或瀉清米飲下病急者研
碎服之病緩者浸化服之若極虛慢驚者不得與服
急驚痰熱尤宜服之

奪命丹治一切諸般驚風天吊暗風癇病胎驚發搐上

視身直背強及治五疳肌瘦羸瘠肚大脚細髮稀饒渴
又治便痢膿血水穀不化洞泄下注并溫壯身熱口瘡
煩燥叫啼等疾

硃砂

半錢 研
水飛

射香

研

麒麟竭

研各
半錢

牛黃

研

龍腦

研

沒藥

研

熊膽

研

粉霜

研一錢

青黛

研三錢

使君子

十箇
去殼

麵裹煨
熟為末

右相和再研勻細取井花水滴水為丸如豌豆大每
服一粒以薄荷自然汁半蠅殼許化開入溫湯半茶

脚調勻服之若諸疔瀉痢不止或驚熱涎盛吊眼發
搐者以三九化下更量大小加減

治諸驚癇容忤

以射香當門子一粒好朱砂一塊如當門子大同研
極細溫熱水調下未能服者灌之

治驚癇夜啼

以仙人杖安兒身邊令睡

仙人杖乃筍欲成竹時立死者

中風論

小兒血氣柔弱肌肉脆薄若寒溫失度則膚開而為風邪所中始著俞穴而行經脉次隨血氣而入府藏從其所著即生病焉其入府藏者唯心肺二藏居膜鬲之上空隙之處又俞穴亦在於上故風乃易中而有患者其狀昏困不省手足抽掣心肯滿氣短多汗此尤為急大抵其餘府藏皆居鬲膜之下疊實之處又俞穴亦在於下故風乃難中而無患者其入於經脉者為病甚多今採其有患者具之風瘰者一云風瘰風邪傷中陽經也或因

解脫或臍瘡未合為風所傷皆令發瘳其狀口噤不開
項背身體強直耳中策策而痛一向昏憤不省其脉如
弦直上下也雖與驚癇相似然發而時省身軟者驚癇
也若發不時醒身鞭強直者風瘳也其卒然身瘳者死
風角弓反張者亦由風傷陽經也故令腰背反折不能
俛屈如角弓之狀此亦頗似瘳病然瘳病身體強直此
病身體反折所以異也 風口噤者手三陽之筋入絡
頷頰足陽明之筋上夾於口風邪中於諸陽之筋使關

機擘急不利故使口噤不能開也診其脉遲者生 風
拘擘及不隨者風邪寒熱入於經絡搏於筋脉筋脉受
邪冷則四支拘擘熱則緩縱不隨也診其脉脉急細如
絃者筋急拘擘也若脾脉緩弱者四支不隨也 風口
眼喎斜者由風邪入於頷頰之筋其脉偏急故令口眼
喎斜目不能平視語不能正也診其脉浮而遲者可治
又云夜卧當耳有隙因風入耳亦令人口喎也 風瘧
不省者由風邪先中於陰病發於五藏其狀奄忽不知

金匱要略卷六
人事喉中噫噫有聲舌強不能言汗出身軟眼下鼻兩
邊人中左右有色白可治若一黑一赤吐沫者難治汗
不出體直者死

治心肺中風方

半金散治心肺中風昏困不省心背滿悶抽掣短氣汗
出不休

烏蛇肉

酒浸去皮
骨焙一兩

天麻

一兩

全蝎

去毒一
兩炒

殭蠶

去絲
嘴炒

一兩
為末 硃砂

半兩

龍腦

一錢
研

右為末拌勻細每服半錢溫湯調下無時

比聖丹治如前

乾全蝎

去毒一兩微炒

羌活

去蘆半兩

白附子

半兩

天南星

半兩生

黑附子

一枚重半兩上炮烈去皮臍

右為細末入膩粉一錢研勻煉蜜和丸菴豆大每服

五七粒荊芥湯下無時

白花蛇散治心肺中風聲不能出

白花蛇

腰以上者酒浸去皮骨炙黃一兩

羚羊角屑

一兩

桂心

一兩

蒲一寸九節者一兩人參去蘆一兩川烏頭半兩炮烈去皮臍稱

右為細末每服一字或半錢射香荆芥湯調下併二

三服無時

治風痙方

通聖散治中風痙病口噤體強耳中策痛昏憤發不時

省

蝎尾二十一箇去毒晚蠶蛾十四箇天漿子去殼十箇白附子

半兩已上為末硃砂一分飛研射香一錢研

右拌研勻每服一字或半錢薄荷湯入酒兩滴調下
天南星膏治如前

天南星

二兩為細末酒調慢火熬成膏

赤頭蜈蚣

半兩酥炙

全蝎

半兩

蛇肉

酒浸去皮骨半兩已上先為末

硃砂

一兩研飛

牛黄

一分研

射香

一分

研

右同勻細入南星膏和劑石白中杵膏軟硬得所為
度每服一皂子大薄荷自然汁入酒一滴同化服之
無時

二証同治方

烏犀煎治心肺中風及風痙病

烏犀屑

一两

天南星

半两

微炮

白附子

半两

炮

天麻

半两

白花

蛇

酒浸去皮骨
炙黃半两

蝎

稍半两
去毒

右為細末用無灰酒两大盞銀器中同熬成膏每用
皂子許射香湯化下無時

奪命散治如前

乾蛇頭

一箇酒浸
炙黃取肉

赤頭蜈蚣

一條

酥

乾全蝎

去毒
一分

麻黃

去根節一分

草烏頭

一箇去皮炙炒黃已上為末

硃砂

一分研牛

黃

一分研

龍腦

一分研錢

右拌勻細每服一字溫酒調下無時

烏蛇散治如前及治風角弓反張并一切諸風之病

烏蛇肉

一兩生

石菖蒲

一兩九節者良

天麻

半兩

全蝎

半兩去毒

蠶

炒去絲嘴半兩

附子

一枚半兩者炮烈去皮臍

羌活

去蘆半兩

人參

去蘆半兩

半夏

一分湯洗切片炒黃

白附子

一分炮

右為麤末每二錢水二盞生姜十片薄荷五葉同煎

至一盞瀝去滓放溫時時滴口中

治中風角弓反張方

歸魂散治中風腰背反折如角弓之狀

蝎梢

一錢半炒

赤足蜈蚣

半條酥炙

水銀粉

一字

川烏頭尖

二箇

炒令深黃色

白花蛇肉

酒浸取炙黃秤一錢

天南星

切碎生薑自然汁浸一宿

焙乾秤半錢

腦子

一字射香

字

右勻細末三歲下兒一字上至四五兒半錢金銀薄

荷湯調下量大小虛實加減無時

水銀丸治如前

水銀

蛇黃

燒赤米醋
淬七次

輕粉

三錢

雄黃

研水飛
各一錢

生犀

末

半錢

右同為末勻以青州棗肉和丸大豆大一歲兒蜜水
化一九無時

治中風口噤方

石膏湯治中風口噤頷頰緊急冥冥如醉

石膏

獨活

去蘆

升麻

各一兩

麻黃

去根節

桂枝

赤

芍藥

防風

去蘆并
叉枝

細辛

去苗各
半兩

甘草

一分

右為末每服一大錢水一盞入薄荷竹葉各數片煎至五分去滓溫服無時

羌活紫湯治中風口噤身體強直

右以羌活一兩去蘆頭剉碎酒三升浸一宿用黑豆一升淨淘炒煙出乘熱就鍋中以酒藥沃之放溫去滓每服一注子灌之日二三服無時

雀矢丸治中風口噤聲音不出飲食不下

右取雄雀糞研末糊丸麻子大飲下三二丸薄荷湯亦得大良雀矢白亦佳

又方

治口噤頷急風中陽經

右以白棘燒灰研為末水調一錢匙服

又方

治卒口噤不開

右以附子末蘆管吹入口中甚良

治牙噤不開

以天南星一枚煨熟乘熱用紙封裏不令透氣仍於
上尖處剪一雞頭大竅子透氣於鼻中立開

治中風拘攣不隨方

獨活黃芪湯治中風四肢拘攣

獨活 黃芪

酸棗仁

湯浸一次
各一兩

麻黃

去根
節

羚羊

角屑

桑白皮

剉

肉桂

去粗
皮

芎藭

各半

右為細末每服一大錢水一盞入生姜薄荷各三片

煎至五分去滓溫服無時

赤箭湯治中風半身不隨

赤箭

一兩 去絲嘴微

白附子

半兩 獨活 去蘆

麻黃

去根

白花蛇

酒浸去皮 骨各半兩

杏仁

三十箇 麩炒去皮尖研後入

右同為末每服一錢水八分煎入石榴皮少許煎至五分溫服無時

治中風口眼喎斜方

防已湯治中風口眼喎斜視不能平語不能正

漢防已

川升麻

天麻

川芎

各一兩

桂心

羚羊

羊角屑

麻黃

去根節
各半兩

右為細末用杏仁一分湯浸去皮尖炒黃研細拌勻
每服一錢水一盞入生姜三片薄荷三片同煎至五
分去滓稍熱時時與服

二聖散專治中風口眼喎斜

蟬殼

去土一兩五月五日
取東南枝上者

寒食麵

一兩

右同研勻細每用半錢以醎醋調攤薄紙上如膏藥

花子貼患處左斜貼右右斜貼左如口正急以水洗去之

全蝎散治中風口眼喎斜語言不正手足偏廢不舉

全蝎

去毒炒

僵蠶

去絲嘴直者炒

川芎

黃芩

大天南星

湯洗七次去皮臍切焙

甘草

炙不見火

赤芍藥

麻黃

去根節各

三錢天麻 六錢

右為粗末每服二錢水一盞生姜七片煎至六分溫

服無時

硃砂丸治中風口眼喎斜筋急牽引

硃砂半兩 乾蝎微炒 天麻 白附子炮 牛黃 白殭

蠶去絲嘴 微炒 乾姜炮 射香研各一分

右為細末拌勻軟粳米飯和丸黍米大每服三錢乳

汁送下日三服無時

又方名同治同

硃砂研水 乾蝎去毒 微炒 殭蠶去絲嘴 微炒 天南星炮烈各半兩

白附子一分 炮

右為細末糊丸菴荳大一歲兒一九薄荷湯下隨數
加之無時

治風癩不省方

槐子煎治中風癱困不省

槐子

微炒

白殭蠶

去絲嘴微炒

防風 蘆白附子

炮各一兩

乾姜

炮麻黃

去根節

半夏

湯洗七次各半兩為末熬膏

硃砂

半兩研

牛黃

一分 射香

一分 研

金箔

二十片

研後入

右用好醋兩大盞與前藥燉火熬成膏次後入後藥

和勻成劑圓莖莖大每服五丸温酒送下量大小加減牙關噤者斡灌之

急風散治如前

白附子四枚大者去尖生用全蝎去毒五枚炙天南星一箇剉炙深黃色

半夏十箇湯洗七次去滑盡天麻一分膩粉半錢

右為細末每以一錢分四服薄荷酒調下立効能治一切諸風更量大小與之

愈風湯治如前

香附子

炒揉
去毛

川芎

羌活

去蘆各
等分

右為細末每服一錢水半盞入酒兩滴同煎至七分
溫服急者湯酒調服

小兒衛生總微論方卷六

欽定四庫全書

小兒衛生總微論方卷七

傷寒論

經曰傷寒有五有中風有熱病有溫病有中濕有傷寒其所苦各不同此五者配入五氣隨四時為病故春風夏熱秋濕冬寒中溫而傷寒則居一焉

其細論在傷寒類証集中

四時之病皆謂之傷寒者乃總槩之名也內熱病者乃盛暑之時炎熱之氣中人為病也又名曰中暍濕病者

乃雨露霜霧烟嵐水漬濕氣中人為病也小兒無此二病謂小兒不治家事未有幹辦早卧晚起不致衝胃故也外傷風傷寒溫病小兒有此三病謂嚴寒厲風溫氣無所不至小兒肌肉脆軟氣血柔弱易為傷之故也是三病者其證其脉不可診切兒稍大者可切脉而別之傷風之脉陽浮而陰弱也傷寒之脉陰陽俱盛而緊濇也溫病之脉行在諸經未知何經之動隨其經之所在而取之也若嬰小未能診切者但看其形候耳

傷風者乃四時八方為厲之風傷人其候昏睡呵欠頻
悶口中氣熱或自汗惡風發熱鼻鳴乾嘔熱多寒少面
光而不能食手足皆熱煩燥治當發散有飲水者有能食
者有不能食者其飲水能食者可微下之餘不可下也
傷寒者乃冬時嚴寒之氣傷人入於腠理當是之時壯
者氣行而已怯者則着而為病其即發者為傷寒至春
發者為溫病一云在夏至之前
非時行溫氣之病夏發者為熱病一云在
夏至之
後非中暍之熱病其候面赤渾身壯熱頭痛體疼鼻塞聲重清

涕咳嗽寒毛立氣促急或嘔吐白水寒多熱少面色慘

而不舒手足指末微冷不煩燥而惡寒

傷風者不惡寒而惡風傷寒者

不惡風而惡寒其惡風者當風而乃憎寒也其惡寒者雖不當風而亦自憎寒也以此別之

治者若

脈洪盛身體壯熱頭痛面赤四肢暖者為陽証宜汗之

若脈微細身冷不甚頭痛體疼面青四肢冷者為陰証

宜溫之

溫病者四時之間非節候邪氣傷人如春應溫而反寒夏應熱而反冷秋應涼而反熱冬應寒而反溫言此時

通行此氣為病無少長畧同故名天行時氣又名時行
溫病其候頭痛身重壯熱體疼與傷寒相似但臨時看
其脉與其証以屬何經受病隨經而辨之為治也已上
三病通以傷寒為治邪在外者解之汗之邪在內者溫
之下之當隨証按法而行之錢乙言傷寒男體重面黃
女喘急面赤各憎寒口中氣熱呵欠頓悶項急此乃不
分傷風傷寒而槩言之也况傷風傷寒証候傳變多端
自有專經可憑孫真人云治小兒與大人無異惟減用

湯劑極少耳更有傷風寒而兼食者俗呼謂之夾食傷寒也其候壯熱煩渴鼻塞聲重四肢困倦眼黃腹中脹痛延唾嘔逆或呵欠頓悶治者不先攻所傷但先解表候已表解然後下之則病與食皆去也若不顧其表便以藥攻之多致結痞也又有因失饑而食寒飲冷傷於脾胃而中風寒其候膏膈不快腹脹而痛面色唇口皆青手足逆冷脉沉細者此寒傷於脾寢屬太陰庸工不識以為膏膈不快妄用針灸或便投駛藥則膏膈愈不

快而吐利只一兩日間便致危殆此不明之誤非其治也所謂傷寒本經藥証甚多難以具述今採其小兒常所患者之方及有兼見之証畧為條叙傷風寒手足冷身熱面赤頭痛者此脾怯也宜先和脾然後發散傷風寒自利者脾虛也宜先補脾然後發散未差者先調順其中有下証者微下之有驚者退之

傷風寒腹脹而喘者脾虛也宜先補脾去脹定喘候喘定然後發散

傷風寒得下後大勢已退而餘熱未解者是下之太過
胃虛而熱乘之故也胃中虛熱者飲水無多當生胃中
津液津液得生則熱與渴皆止矣

已上錢乙論其
治方本集載之

傷風寒其熱在外者為表病若未入於裏而下之太早
裏虛氣逆熱結膏中堅鞭而痛者此為結膏但若硬滿
而不痛者此為痞氣若因飲水得者則為水結若三四
日外熱入於裏則腹滿痛內實有燥糞者當下之若熱
入大腸則為大便祕澀不通若熱入小腸則為小便難

溢不通熱入大小腸則為大小便不通熱入脾胃脾胃屬土候於肌肉熱盛蘊蒸於外則為發黃熱熏於心宵則為煩躁津液耗減者則為發渴熱上衝咽喉口舌者則生瘡腫疼痛有血泄者血得熱則流溢妄行從鼻出者則為衄血從口出者則吐血從大便出者則便血從小便出者則遺血若壯熱未汗躁喘鼻鳴因衄一升數合而熱得歇者病則解矣若出至二三升者危矣若熱毒積滿於內不得時下致毒乘瘀血則煩盛發狂若燠

塞昏冒悶亂者死若胃有寒氣相搏則嘔哕咳逆若肺有寒相搏則咳嗽氣急若氣怯者傳變入陰則四肢厥逆面青體冷下利清穀並當隨証施治

錢乙論傷風傷寒瘡疹傷食壯熱昏睡一皆相似若倉卒未能辨認之間但與升麻葛根湯惺惺散小柴胡湯此數藥通治甚驗

聖惠方云嬰孩傷寒不可用性燥藥發汗燥加腑臟熱極傷心則厥逆而難治又不可用性熱藥乃助陽陽極

則陰爭四肢汗出如油手足或冷或熱多致發狂顛癇
搐搦為難治又不可用性寒藥寒則陽受其冷則寒熱
相擊一向叫啼不睡使熱上衝於腦則頭骨縫開為難
治予流落錢塘就館於親僚蘇伯正防禦家伯正以醫
治傷寒名聞予常觀其用藥次第若小兒傷寒壯熱頭
痛體疼脉大鼻寒聲重嚏咳呵欠惡風憎寒病在表可
汗者用銀白散熱多者甘露散有食飲宿滯脾胃不和
者以安胃丸間服膏膈不快者以香殼散間服煩渴飲

水或作寒熱者灸砂散間服有驚者天麻防風丸人參
化風膏涎盛咳嗽者小珍珠丸如此施治隨手得愈者
十有八九餘一二者乃病久傳深或已成壞証方纔請
召亦依法調治乃得痊可其所用之藥多非古方性不
燥熱率皆溫平是謂達南北之異地識寒熱之所宜深
通古人治病之大體也予盡得其方今與諸方共叙于
後

銀白散治傷寒壯熱頭痛體疼脉大解表發汗夾驚者

皆可服

右以煨熟寒水石半斤研極細入炒熟黃丹一錢半
研勻如淡即添入些小以紅粉色為度每服一錢生
姜湯調下未能飲者稠調抹口中以乳汁送下無時
甘露散治傷寒壯熱頭疼體痛解表發汗及熱多者

右以好滑石二兩研細入甘草末半兩拌勻每服一
錢以濃煎蘿蔔湯調下一方更有防風半兩為末同
研勻滑石可用桂府白色者妙

安胃丸

乃化滯丹
小九子也

香殼散治傷寒心膏滿悶不快

右以橘皮洗去穰為細末每服一錢生姜湯調下乳

前食

靈砂散治傷風寒溫熱表裏未解頭痛發熱口燥咽乾
煩渴引飲或水入即吐小便不利或作寒熱及汗出表
解而煩燥不止

右以五靈散半兩入硃砂細末一錢同研勻每服一

小錢米飲調服無時

天麻防風九人參化風膏二方俱具驚癇門

小珍珠丸治風壅痰實利咽膈除咳嗽止煩熱清頭目

半夏

湯洗七次焙乾為末一兩

白礬

燒汁盡研末一兩

寒水石

煨通赤出火毒

研一兩

右拌勻研細麵糊和丸黃米麻子菜菔三等九子每服五七丸至十九丸溫生姜湯下食後量大小加減與

服

歡喜散治傷風寒發熱頭痛無汗惡風或溫熱鼻塞清涕淚出嚏噴

防風

去蘆并
又枝

人參

去蘆甘草

炙

天麻

去蘆各
一錢半

白茯苓

去黑
皮

桔梗

去蘆各
二錢

枳殼

去穰麩炒
二錢半

川芎

三錢

右為細末每三歲已上抄一錢水六分薄荷兩葉同煎三兩沸通口服無時

紅綿散治傷風寒及夾驚取汗

麻黃

去根
節

全蝎

炒

大黃

紙裏煨
熟切焙

甘草

炙

白附子

蘇木

劉天麻生各
炒一分

右為細末一歲下兒服一字已上兒半錢四五歲一

錢水一小盞以綿少許裏藥煎之至綿紅色即去綿

溫服

坯煎散治傷風寒夾驚潮發頭痛體熱咳嗽手足冷

麻黃

去根節
半兩

人參

去蘆
茯苓

白僵蠶

去絲
嘴

全蝎

天麻

白附子

甘草

炙各
一分

硃砂

三錢
研

川烏

炮去
皮尖

一錢

半

右為末每服半錢至一錢水五分入坯子烟脂一豆
大薄荷兩葉葱白一寸同煎至四分放溫服不拘時
千金丸治傷寒夾風夾驚夾食取微利

硃砂

末一錢

全蝎

七箇末

白丁香

七箇末

膩粉

一錢

射香

半錢

右為末勻白飯和丸蘿蔔子大薄荷湯下一歲兒三
九量大小加減無時

茯苓散治傷寒數日膏膈不利調中養胃

赤茯苓

一兩陳皮

三分桔梗

去蘆一兩

甘草

炙半兩

右為末每服一錢水六分入生姜二片煎至四分溫服無時

枳實散治傷寒已汗未汗卒宵膈痞痛

右以枳實麩炒黃為末每一錢或半錢米飲調下無時

竹瀝治傷寒數日煩燥不解

右以竹瀝新汲水各半茶脚和勻服無時

真珠散治傷寒口乾心神煩燥

真珠末研龍腦研牛黃研各半錢瓜萇根 茯神去心木硃

砂研各一分牙硝 寒水石煨半

右為末勻每服半錢蜜水調下無時

秦艽煎治傷寒心神煩燥口乾煩渴

右以秦艽半兩去蘆細剉用牛乳半盞煎至六分去滓放溫分三四服無時

藕汁蜜治傷寒煩渴

右以生藕搗取汁半茶脚許入蜜一錢調勻服無時

葛根湯治傷寒發熱煩渴

葛根

人參

去蘆各半兩

麥門冬

去心

白茯苓

甘草

炙

澤瀉

各一分

右為末每服半錢或一錢水半盞薄荷兩葉煎至四分去滓溫服無時

百合散治傷寒腹中滿痛

右以百合半兩炒黃為末每服半錢或一字米飲調下無時

黃芩散治傷寒五六日大便不通熱燥悶亂

黃芩

枳殼

去穰
麩炒

大黃

大腹子

各半
兩

右為粗末每服一錢水半盞煎至四分去滓服不拘

時

犀角散治如前

犀角屑

川大黃

炮

柴胡

去苗各
半兩

人參

去蘆
一分

朴硝

甘草

各半
分

右為末每服半錢水五分入棗一箇煎至四分去滓

溫服量大小加減

石鷲散治傷寒小便不通小腹脹滿

右以石燕火煨為末葱白湯調下一字以通為度無時

又方

右以萱草根煎湯調五苓散服之乳前食

葛根汁治傷寒衄血不止

右以生葛根汁一小盞分三四服即止無時

立應散治如前

蒲黃 乾葛根

末

石榴花

培乾末
各一分

右為細末每服半錢或一字生地黃汁調下併二三服止無時

又方

以黃藥為末每服半錢或一字新汲水調下無時

金汁蜜治傷寒衄血數日不止

生地黃汁

小半
盞

白蜜

小半
盞

蒲黃

半
兩

右和勻微煖過每服半茶脚許無時

神白散治傷寒吐血衄血咯血大小便利血

槐花

一分

蛤粉

半兩

右同為細末每服一錢或半錢煎柳枝湯放溫調下
如脩合不及但以柳枝為末新水調下亦可

香墨圓治傷寒衄血兒小不能服散藥者

右以好細墨為末雞子清和圓黍米大每五七圓飲
下或灌之

地黄汁治傷寒吐血心膏不利煩渴不已

右以生地黄杵絞取汁量大小與之亦治衄血

麥門冬湯治傷寒咳嗽喘息

麥門冬

去心

欵冬花

去枝梗

人參

去蘆

紫苑

洗焙各

一兩

桂心

半
兩甘草一分

右為末後入杏仁二十枚麩炒去皮尖研細拌勻每服一錢水一盞生姜二片煎至六分去滓溫服無時

一捻金散治傷寒風執咳嗽

白殭蠶

去絲嘴
一錢

甘草

半兩
炙

延胡索

去皮
一分

右為細末每服一捻薑汁調下無時

潤肺散治傷寒鼻塞涎壅咳嗽肺氣不利語聲不出

麻黃

去根
節

人參

去蘆各
一兩

杏仁

麩炒去
皮尖

貝母

去心麩
炒黃各

一兩甘草

炙半
兩

陳皮

去白一
分半

桔梗

去蘆
一分

阿膠

蛤粉炒
如珠子

大用
一分

右為末每服一錢水八分煎至六分去滓溫服無時

赤芍藥散治傷寒陽証咳逆

右以赤芍藥沸湯浸七遍每遍以瓦盆蓋少時數足
取出炒燥為末每服一錢豆豉三粒生姜一片水七
分煎至五分放溫服無時

葶良湯治傷寒寒多咳逆

葶澄茄 良姜

各等分

右為末每服一錢水六分煎數沸入醋少許攪勻帶
熱服

靈砂膏治傷寒脉數熱入胃嘔吐

澤瀉

二兩半

桂

去皮一兩

猪苓

去皮

赤茯苓

去皮

白朮

去蘆各一兩半

右為末煉蜜和膏雞頭大每服一九生姜自然汁化破與服只未用便是五靈散亦治發熱煩渴飲水入即吐或小便不利瘀熱在裏發黃濃煎茵陳蒿湯調下餘病飲調

四味人參湯治傷寒脉遲胃冷嘔吐

乾姜

炮

黃芩

黃連

去須

人參

去蘆各等分

右為粗末每服一錢水六分煎至四分去滓溫服無

時

附子姜朴丸治傷寒寒多嘔吐手足厥冷

附子

炮去皮
臍半兩

乾姜

一分
炮

厚朴

去粗皮生
姜製一分

右為末糊丸麻子大每服五七丸米飲下無時

半夏湯治傷寒嘔逆不下乳食

右以半夏半兩湯洗七次去滑生姜一两同剉碎焙

乾每服一錢水一盞煎至五分去滓時時與服無時

蘆根飲子治傷寒乾嘔及反胃嘔吐

生蘆根

切碎

青竹茹

各二合

糯米

半

生姜

半兩

右咬咀先以水一升煮千里鞋底取半升澄清下藥
再煮取二三合隨意服量大小加減

小半夏湯治傷寒乾嘔欲死

半夏

生姜

各一兩

右咬咀以水一大盞入藥煎留半盞去滓分數服

三黃散治傷寒發黃

川大黃

半兩
剉微炒

黃芩

一分

黃連

去須
一分

右為末每服半錢水六分煎半去滓溫服無時

大麥苗汁治如前

右取大麥苗搗爛絞汁與服小麥苗亦得

人參柴胡飲子治體虛傷於寒邪渾身壯熱頭目昏重
項背拘急支體疼痛乾噦嘔逆或作寒熱發歇無時煩
渴不食

人參

去蘆

柴胡

去苗

白朮

白茯苓

青皮

去穰

桔梗

去蘆

麥門冬

去心

川芎

白芍藥

甘草

炙

桑白皮

升

麻各等
分

右為末每服一錢或二錢水一盞烏梅一箇同煎至
六分量大小分服無時

治傷寒時氣頭痛不可忍

右以朴硝研細末生油調塗頂上

治傷寒毒攻手足痛者

右以羊桃汁雜鹽豉汁漬之

黑龍散治小兒傷寒在表服冷藥寒伏於中危困不得

汗

麻黃

去根節
三分

竹茹

一分蘇木

一分蝎稍

二十箇

烏龍土

一分

乃火
團也

右為末每服半錢水五分煎至三分溫服無時

蒸熟
鷄白調散治傷寒傷風發寒熱似瘧久不差漸變骨間

硃砂

水飛

白礬

枯

鐵華粉

粉霜

鉛白霜

各一錢

輕

粉

白附子

各二錢

蝎稍

六箇

龍腦

射香

各少許

右為末每服半錢入鷄子白井花水共約一茶脚調
勻服無時

茵陳散治傷寒發黃不可下

茵陳

一两

白朮

半两

甘草

半两

右為散每服半錢沸湯調下小便不利者加茯苓一
两

絳雪丹治傷寒五六日發黃小便不利煩躁熱悶飲水
煩躁不解

硃砂

半兩研
水飛

硝石

二兩研

龍腦

少許

右同研勻細白米飯和丸鷄頭子大沙糖水化下量

大小服

商陸散治傷寒咽喉腫痛

右以商陸根切碎杵爛炒熟用手帕子裹之熨腫處

冷即易之

甘桔湯治傷寒咽喉妨腫

桔梗

去蘆一兩米泔
浸一宿焙乾用

甘草

二兩炒

右為末每二錢水一盞煎六分放溫冷細細呷服

黃蘗蜜治傷寒熱毒口舌生瘡赤爛

右以黃蘗去粗皮用蜜漬一宿微煎過含之嚥汁勿絕或以黃蘗為末同煎膏含之量多少

黃芩湯治傷寒口舌諸病舌黃舌黑舌腫舌裂舌上生芒刺舌上出血皆治

黃芩三錢赤芍藥二錢甘草二錢

炙

右咬咀每二錢水一盞煎至六分去滓溫服亦主鼻

衄

勝金錠子治傷寒結育氣痞並主之

大黃

半兩枳殼去穢麩炒

黃淨一兩

右為細末煉蜜和劑捏作餅子如小錢大結育者用
芒硝半錢同生姜水化半餅或一餅服之痞氣者煎
陳皮湯化下無時

生熟散治傷寒結育硬痛

右以草烏頭二箇一生一炮同為末生姜自然汁和

勻為丸如鷄頭子大每一丸用蜜湯化下

芫花熨法治傷寒因飲水心下結痞硬痛名水結

右以芫花醋拌勻慢火炒熟用綿裏熨之冷即易再
炒用以効為度

藍靛治傷寒熱毒乘心神志冒悶煩躁昏亂

右以藍靛一字或半錢新水調下

苦參酒治傷寒熱毒結在膏膈六七日望死

右以苦參半兩剉碎用酒一盞煎至半盞去滓放溫

分三四服連併服之須臾吐出羊膽汁立愈

黃連湯治傷寒熱入腸胃下痢膿血

黃連

去須微炒二兩

黃蘗

一兩到微炒

阿膠

一兩蛤粉炒

梔子仁

半兩

右為麤末每服一二錢水六分煎至四分去滓溫服

無時

梔子仁湯治傷寒熱毒攻於腸胃下赤汁或如爛肉鴨

肝壯熱腹痛

梔子仁

二十箇

豉二合薤白

一握切

右以水二大盞同煎至一盞去滓量大小分作數服
無時

烏仙散治陰証傷寒四肢厥逆

右以川烏不拘多少童子小便浸不計日數直至浸
脫皮時用水淨洗切碎熬至八分乾便以紙袋盛吊
於當風處用時旋取為末臘茶調下半錢量大小及
病勢與之

燒附散治傷寒陰盛隔陽身冷厥逆脉沉細而煩躁體

冷

右以大附子一枚半兩者入急火燒微存中心二三
分取出用瓷器合蓋放冷為末更入臘茶末一大錢
同研勻細每服半錢水一小盞蜜少許同煎半盞去
滓溫服服訖須臾躁止得睡汗出而解又一方燒附
末每一字或半錢酒調下頻服取汗出差小兒本怯
者最宜服

茱萸熨法治傷寒陰証厥逆

右以茱萸半升酒和勻濕用絹袋二枚盛蒸令熟甚以熨脚心冷即易之候氣通暢勻暖即止

牛蒡根汁治傷寒汗後餘熱不退煩躁發渴四肢無力不能食

右以牛蒡根杵爛絞取汁服看大小多少與之

玉女散治傷寒汗後潮熱日發諸藥不効

右以川烏一两火炮去皮臍為細末每服一錢或半錢水一盞半入生姜七片棗一枚煎至四分溫服無

時

傷寒之病傳變証候甚多予當編傷寒類証論方亦頗
詳備今集小兒傷寒截方如或有証候未盡者請照類
証依法為治耳



小兒衛生總微論方卷七

欽定四庫全書

子部

小兒衛生總微論方卷八

詳校官太醫院恩程臣 袁天錫

編修臣 倉聖脈覆勘

總校官進士臣 繆 琪

校對官中書臣 李斯咏

謄錄監生臣 王鍾岱

欽定四庫全書

小兒衛生總微論方卷八

瘡疹論

瘡疹之候古今皆云大率與傷寒相似然亦有小異也
其初覺之時頭痛體重面赤氣滯壯熱多睡驚悸呵欠
頓悶咳嗽嘔逆嚏噴此皆同也其瘡疹者不惡寒而惡
熱面色與四肢俱赤眼睛黃手足厥唇紅耳尖冷尻骨
冷小便赤大便秘其脉三部皆洪數絕大不定是其候

也此小異耳傷寒者宜發散解之瘡疹者宜溫平處惟不可妄發妄下又不可令受風冷其瘡疹乃兒在母胎中之時食母血穢滋養兒五歲之氣至生下已後其毒不拘何時須當出矣惟年小者皮膚嫩軟瘡出駛易

謂數

歲已

下者若長大者皮膚厚鞭瘡出艱難

謂數歲已上者

然小兒所

蓄胎中穢毒因中寒溫蘊發生熱三日已上熱運入皮膚始如蚊蚤咬成赤點或如沙粟癩疹風痲之類漸漸出而作瘡也前人言瘡疹有表裏証其瘡皮厚如赤根

白頭漸加赤腫有膿差遲者謂之大痘此謂表証發於
歲也其瘡皮薄如水泡破即易乾者謂之水痘此為表
証發於府也此言雖簡然未盡善此但言膿泡水泡二
種外斑疹又不知屬何所主也不若錢乙所論其瘡出
有五名以屬五歲之液其狀有五象以屬五歲之色肝
為水泡主淚以淚出清如水其色青而大肺為膿疱主
涕以涕出濁如膿其色白而大心為斑主血其色赤而
稍大脾為疹主裏血其色黃赤而小腎為倒撮其色黑

細說
在后

諸藏內惟涕淚出多故水泡膿疱皆大血營於內
所出不多故斑子疹子皆小也又病水泡膿疱者涕淚
俱少以液從瘡出故也譬如泡中容水水去則泡瘦矣
凡瘡疹初欲出之時則五藏証皆見以熱併動於五藏
也及至已出時乃得歸一藏者以一藏受穢多而毒氣
盛也亦有兩証三証同出者所受同而併發也

細說
在后昔

錢乙治睦親宅十太尉疹子與衆醫坐上問曰疹未出
何屬一曰胃熱一曰傷寒不退一曰在母腹中時有毒

乙曰若言胃熱何乍涼乍熱若言傷寒不退七日之外則為再經何証不相應若言母腹中之毒今發屬何藏皆無以對乙復曰兒在母胎中至六七月已成形食母腹中穢液入兒五藏至十月即穢液滿胃至生時兒口中猶有不潔產母以物拭清又以黃連汞粉下其臍糞之穢此母穢液不潔餘氣在兒藏中因遇寒溫邪氣相搏而發熱出成瘡疹也未出欲作之時熱動五藏則五藏之証皆見呵欠頓悶肝也時發驚悸者心也乍涼乍

熱手足冷者脾也面頰赤咳嗽嚏噴者肺也惟腎無証
以其腎在府下不能食其穢液其候平者但鼈冷耳冷
者是也鼈耳俱屬於腎居北方主冷故也瘡既出則歸
一歲肝為水泡肺為膿疤心為班脾為疹腎雖無証其
候惡者瘡變倒撮而黑陷則歸腎也此由不慎風冷內
虛所致瘡黑陷鼈耳反熱者逆也今十太尉疹子無他
証當用平和藥為治用抱龍圓數服而愈其方在本集
載之

凡瘡疹欲出者身必發熱其發亦自有時隨歲所主如
早晨發熱不已為水泡日午發熱不已為班晡時發熱
不已為疹日晚發熱不已為膿疱發熱三日已上熱運
入皮膚即出也其熱重者瘡亦重其熱輕者瘡亦輕方
其身熱瘡未出之時須審認証候子細不可有誤誤則
為害大矣 瘡疹欲作之時皆身熱熱則瘡亦未出熱
至三四日乃歇瘡方出也若腹痛者是腹中先出眼溢
者是眼中先出咽喉口舌痛者皆先出也若三日已後

不出或出不快熱留膚腠之間故也當以藥微發之止
可服升麻葛根湯抱龍圓之類平平者藥或兒身不甚
熱者與少胡荽酒飲之此微發不出即加藥發之既發
之後出不多脉平無他証者即是瘡本稀也不可更發
若不能審察病勢輕重但務多以熱藥發之則熱藥薰
蒸瘡出轉難別生熱証大小便不通更以駛藥下之便
致危殆此誤之甚矣若瘡欲發之時有大熱甚者只可
與利小便如覺熱極毒盛服常藥不可及者宜微與利

之以減其毒不可大利須是子細常與看覷雖夜間亦不住用灯觀照若未有赤紅點子出時乃可與微利若已有出者則不可利也錢乙有曰身熱煩渴腹滿而喘大小便秘澀面赤悶亂大吐者當利小便不差者微導利之此亦瘡疹未出之前有此熱濕之証解而不減乃可與微利之張渙亦曰瘡疹未出脉洪數甚大不定而小便赤大便秘者此証正宜踈利渙頃年在禁中及在外治此証甚多皆獲安愈亦與上証並同者也若紅點

未出之前無此熱實之証者亦不可利朱肱曰傷寒身熱在表固不可下瘡疹身熱在表亦不可下蓋傷寒與瘡疹一體之病是以傷寒証中有出瘡疹之候也世人不學妄云瘡疹初覺未出時宜先利其毒已出者不可利若出已定膿血太盛者亦可與利此皆非也大抵瘡疹首尾皆不可下此言甚善醫者當務從之若能審察瘡疹於未出之前別無熱毒之証者不可與下有熱毒之証輕者與利小便重者利小便不減方可與微下若

已出者慎不可下至出足已定亦未可與下須直候瘡
痂焦落美飲食能舉動之後方可與解餘毒藥下之
亦不可用駛藥過多如此則無誤矣是以瘡疹變
黑陷者多因誤投冷藥妄亂下之及不慎風冷乳食
不飽內虛脾弱所致也故兒病瘡疹不得令受風
冷冬月必在暖處夏月雖不可擁遏亦須避其風
涼在涼癢處則可又當頻頻喂飼乳食常令飽足
無令饑餒今俗輩多禁食餌殊不知饑則內虛

脾胃氣弱別生他証也且瘡疹欲發之時身必壯熱二三日漸涼瘡方始出其出快瘡紅肥脉浮大而數者毒氣出也若瘡出多却身熱疼痛者是內熱外瘡焮之所作至出盡則涼也庸工不明為見身熱疼痛以為熱盛便投涼藥致身反涼而瘡出不快變黑掀倒陷脉沉細壞亂到此病家方覺醫者拱手如是天傷誠可哀惜昔倉公扁鵲論小兒疾証湯藥有可服不可服之別宜先順陰陽次調榮衛然

後方利藏府古聖立言垂法為後世逆治之戒豈
可忽諸故衆病之中惟瘡疹切忌妄下為最昔
錢乙治睦親宅一大王兒疹子始用一李醫以藥妄
下之其疹稠密乃召乙乙見大驚曰若非轉下則
為逆病也王曰已下之乙曰疹始出未有他証不
可下但用平和之藥頻與乳食不受風冷可也如
三日外出不快者當依次發之有大熱者當利小
便如瘡痂起能食者微利一兩行即止今先下早

瘡未盡出而稠密已盛為難治此誤也縱雖得安其病有三一者疥二者癰三者赤目李不能治經三日黑陷復召乙乙曰幸不發寒未致困也蓋瘡黑者歸腎腎旺勝脾土不能制水脾虛寒戰則難治也今未發寒乃用藥瀉膀胱之府府若不實則腎之藏自不盛也乃得安愈或曰何不瀉腎以腎主虛而不受瀉若二服不效加寒則死矣乙之治方本集載之

凡瘡疹欲作有發驚搐搦者以疹瘡由熱所生心主熱而為驚又熱則生風風屬肝心肝二藏風火相搏故發驚搐也輕者瘡出熱去則自愈重者亦當瀉其心肝之盛也又有因驚而發瘡疹者驚本亦由熱作治當退熱定驚庸工不明更以熱藥發之致發熱入表表熱而班出也昔錢乙治四王宮五大尉因墜秋千發驚搐搦前醫以熱藥發散不愈召乙乙曰本乃急驚後生大熱初當合用利驚藥治之今發散乃逆也乙用藥退解之至

三日肌膚尚熱乙曰更二日不愈必發瘡疹蓋熱不能出也後二日果瘡疹出以藥治之七日愈其錢乙治方本集載之

凡瘡疹出有輕重逆順輕重者若只出一般或出作數次者輕若三兩般同出或一次便出盡者重出稀者輕出密者重裏紅外肥者輕外黑裏赤者重裏外俱黑者大重瘡端裏有黑點如針孔者勢劇也青乾紫陷昏睡汗出不止煩躁熱渴腹滿而喘大小便不通者困也逆

順者先發膿疱後發疹子者順先發水泡後發疹子者
逆先發膿疱後發水泡多者順少者逆先發水泡後發
班子多者逆少者順先發疹子後發班子順先出疹子
班子者後必更出水疱膿疱先出水泡膿疱者後必不
出疹子班子蓋以水泡膿疱重而毒氣出甚班子疹子
輕而毒氣出微甚者必帶了微者也微者不帶甚者故
也予家有數小兒皆先出疹子次出水疱次出膿疱共
三次而已其先出疹子者或恐有班子魚出以班疹相

似此兩般乃子母之藏故又輕重順逆更看時月大抵
瘡疹之病在表屬陽出則為順不出則為逆春夏病之
則順秋冬病之則逆又冬月腎旺寒冷之時病者多歸
腎而變黑也又當辯春膿疱夏黑撮秋班子冬疹子者
亦不順也病雖重瘡紅肥猶當十活四五若黑陷者無
問何時十難救一其候寒戰牙噤或身腫瘡黑紫者急
以藥瀉膀胱之府以減腎氣而救之若服藥後身熱氣
溫欲飲水者可治以脾氣生而勝腎寒冷去而溫熱生

也若服藥之後惡寒不已身冷汗出耳聾反熱者死候也
也以腎大旺脾虛不能制也

凡瘡疹出多稠密遍身其勢太甚兒甚苦之及變黑倒
撮不出者急以猪血腦子救之沈存中侍郎有方治瘡
疹欲發及伏陷危困者取臘月猪血瓶盛掛風中令乾
每用半棗大加生龍腦豆許温酒下甚效予家有小女
病傷寒但腰痛晝夜號哭手足厥冷日加昏困形証極
惡予疑是倒發瘡子先不畜此藥急令就屠家處買少

生豬血時盛夏投之血已敗惡無可奈何遂多以龍腦和而嚙之一服遂得少睡須臾一身瘡點出獲安不爾幾死

凡瘡疹若黑陷而忽瀉便膿血并痂皮者此却為順也如水穀乳食不化者逆也何以然且瘡黑屬腎今脾氣本壯或舊服補脾藥脾氣得實腎雖用事脾能制之今雖入腹為膿血及痂皮得出是脾強腎退即出而安也若瀉米穀乳食不化者是脾虛不能制腎則自洩也此

必難治

凡瘡疹若嬰小及乳下兒病者不可與稚一等為治妄施湯藥小者宜少少服藥惟忌多服多則反為累也又令母慎口又不可令兒失饑避其風冷及用藥調理乳母為佳若斷乳兒患者亦當審其輕重大小用藥如至八九歲以上至十歲外者方可施藥也

凡瘡疹兒病大盛遍身潰潰膿血沾黏衣衾睡卧不得及有瘡成片段無皮或作竇穴痘癰膿血多盛者用臘

月黃牛糞日乾燒灰鋪一寸許厚令在上卧之及摻其
瘡潰無皮之處即愈一方用黑牛糞燒灰傳亦得

凡瘡疹兒病面上有者纔膿出急以真酥潤之頻潤為
佳如有痂便揭去更潤之縱雖揭損有少血亦不妨或
以酥或麵油塗潤之若不潤及揭遲則瘡痂乾硬不落
有礙肉生即隱成盤子也此理昭然人多不曉反謂揭
早成盤甚誤也

凡瘡疹切忌雜人恐有汗氣狐臭觸之又不可令兒聞

穢惡臭物也故左右不可闕於胡荽以胡荽能禦汗氣及辟諸惡氣故也家有數兒一兒既患餘兒次皆及之便當為備以防之以穢氣轉相傳染也兒能食者可時與少葡萄食之蓋能利小便及取如穗出快之義也

凡瘡疹兒患者切不可洗面恐生水入眼即損眼也若初欲發時驗得的當急以胭脂或藥塗兒面目周圍令疹不上面入眼也若瘡入眼者是毒氣入於肝經上衝於目若瘡初出時覺眼腫痛便與時時開眼看之睛

上無瘡即不妨矣若有瘡須服藥治之睛破者無奈也
若瘡乾以後無故眼腫痛者是餘毒不盡所攻也又瘡
疹已發及或入眼切要慎口止可食粥及鯽魚青魚鵪
子餘魚及猪羊等物皆不可食最忌者雞卵鴨子食之
即目盲漫若卵白之狀其應如神

凡瘡疹兒病出盡至痂焦落身已涼喜飲食能起動者
以清涼飲子濃煎量大小與服微利一兩行去其餘毒
即安無後病也若不下則後恐發熱為腫腮鼻衄下利

世人不用此法者於此數証或不能免也

凡瘡疹治療之法初覺之時身熱未出証候未明未能辯認者與升麻葛根湯消毒散服若熱二三日証候已明者則塗面目辟穢氣若出快別無他証者平和藥調之出不快者發之出太盛者散之變黑癩者救之又毒攻咽喉口舌則腫痛生瘡毒衝心胷者則煩渴躁悶毒入大小腸則大小便不通或遺瀉下血毒攻肝經則目生瘡醫瘡生於睛則損瞳人以至滅瘡廢退餘熱一切

諸候皆隨証用藥其乳下兒患者可令乳母同服其藥
則病得易愈

升麻葛根湯治瘡疹初覺未出身熱不能辯認恐是傷
寒驚風變蒸溫壯疑惑之間皆可與服

升麻

葛根

芍藥

甘草

炙各
等分

右為麤末每二歲上兒用二錢水一盞煎至六分去
渣溫服無時

消毒散治瘡疹已未出皆可服未出即消毒已出即減

牛蒡子

二兩炒
紙襯

甘草

半兩
剉炒

荆芥穗

一分

右為麤末每服一大錢水一盞煎至五分去滓溫服
下利者不可與服若咽喉腫痛者尤宜服之一方更
有防風一兩荆芥穗亦一兩此千金方中

紫草飲子治如前

右以紫草二兩細剉用百沸湯一大盞沃之

化毒湯治如前

本方治瘡疹欲出渾身壯熱情意不佳
不思飲食服之即內消已出即十解六

七全出者當日

頭三服立效

嫩紫草

去籠梗

升麻

甘草

炙各半兩

右剉如麻苴以水二盞糯米五十粒同煎至一大盞去滓放溫量大小三四次與服一方瘡疹未出服之內消已出減輕全出即當日焦痂三服立效

人參散治瘡疹纔覺出便服令稀少輕可

人參 白朮

貫衆

甘草

炙

羌活

去芦各等分

右為細末每服一錢水一盞煎至六分去粗溫服無

時

紫草如聖湯治瘡疹纔初出便急與服之令減毒輕可
乳下兒與乳母兼服之斷乳令自服

紫草

去麤梗
二兩

陳橘皮

去白焙
乾一兩

右為末每服一大錢水一盞入葱白二寸煎至六分
去粗溫服無時

臘胭脂瘡疹纔初出便用塗眼周圍以防瘡子入眼也
左右悉塗之

黃蘗膏

又名護
目膏

瘡疹纔出急用以塗面從耳前眼眶邊厚塗之以防瘡
子入眼及面作癩痕能早用即能護目及面上不生若
用遲縱出亦少塗畢後可用胡荽酒噴髮

黃蘗

一兩去蘆皮一方用
蜜炙一方只剉碎用

新菜菔

一兩揀淨一方用
一兩半

草

半兩生一方用四兩分兩少者出妙選更有紅
藍花一兩分兩多者出錢氏只三味董汲方同

右為細末用好生芝蔴油調為膏從耳前眼骨外及
腮面塗之日三五次

胡荽酒

右以胡荽四兩細切用酒三盞煎沸沃胡荽便以物
合之勿令透氣候冷濾取胡荽焙乾以紅絹袋子盛
之縫合令乳母并兒帶之其酒吸一兩口從兒項下
噴及肩背膏腹四肢令徧不得噴頭面餘酒與乳母
飲之為佳能令瘡出快速妙選不論及噴餘皆並同
又於兒左右常令多多頓帶胡荽能辟汗穢之氣故
也

胤黏子湯治瘡初生纔作赤點毒氣未得透皮膚出作

瘡恐出不快而微發之

鼠黏子

二兩
炒香

荆芥穗

一兩

甘草

半兩
炙

防風

去芦并
叉枝

右為末每服二錢沸湯調服及利喉噉化涎止嗽一
方只鼠黏子一兩甘草半兩為末每服二錢水一盞
煎至八分去粗溫服無時

紫草散治如前

鈎藤鈎子

紫草茸

等分

右為細末每服一字或半錢溫酒調下無時此先微

用藥發之經夕未出加藥發之

必勝散治瘡疹出未能遍勻服之能透肌解毒

右以牛蒡子不限多少炒令香熟為細末每服一錢
八荆芥二穗水一盞煎至七分放溫服無時

龍腦膏子治瘡疹未透心煩狂躁氣喘妄語或如見鬼
右以生龍腦半錢研細旋滴豬心血和丸鷄頭肉大
每服一圓煎紫草湯化下少時心神煩躁便定得睡
瘡子已發得透了自然依常法取安此方亦治黑陷

伏攝者如用以溫酒化下

又方

只用猪血一椽斗許腦子一小塊研細酒少許和服之極有神效之驗此沈存中所用之方也

安斑散治瘡疹出快肥紅平調之

川升麻 赤茯苓 綿黃芪 羌活去芦各一兩 人參

去枳殼去穰 桔梗去芦 甘草各半兩

右為細末每服一大錢水一小盞入紫草薄荷各少

許煎至五分去滓溫服無時

快斑散此方治病如前

貫衆

一兩揀洗
淨焙乾

赤芍藥

一兩

甘草

半兩
川升麻
半兩
枳殼

麩炒去
穰半兩

右為末每服一錢水一小盞入竹葉七片煎至五分

去滓溫服無時其效如神

抱龍圓治如前

天南星為末用臘月牛膽汁和成劑再釀陰百日而乾

四兩如無只以漿水或新水浸天南星三日候透軟煮三五沸取出乘軟去皮臍只取白軟者薄切焙乾炒黃色為末用八兩以甘草二兩半擘破水二椀浸一宿慢火煮至半椀去粗旋旋洒入天南星末內慢慢研之令甘草水盡次入於餘藥

天竺黃

一兩

雄黃

一分
研飛

辰砂

半兩
研飛

射香

半兩
研

右同勻末煮甘草膏子和圓皂子大溫水化服百日

兒一圓分三四服五歲兒一圓若用臘月中雪水煮

甘草和藥尤佳此藥治傷風傷寒溫疫風熱痰實咳嗽驚風潮搐蟲毒中毒溫壯及室女白帶錢乙治瘡疹出快紅肥只以此藥平調最好

小品犀角地黄湯治瘡疹太甚解散之

赤芍藥

一分半

生地黃

四分兩

牡丹皮

去心半兩

犀角屑

半兩無即

以升麻代

右為麤末每服二錢水一小盞煎至六分去粗溫服有大熱如狂者加黃芩半兩更量大小與服

木香湯治瘡疹太盛煩痛

青木香

一兩

丁香

薰陸香

白礬

各半兩

射香

二錢

右為麤末每服二錢水一小盞煎至六分去粗溫服
熱盛者加犀角屑半兩輕者去白礬大效

猪膽醋治瘡疹內發盛者

醋

四兩

大猪膽

一个取汁用

右合煎三四沸每服半合上下量大小與之日四五
服無時

萊菔汁治瘡疹出不快

右以開花蘿蔔煎汁時時與飲

紫茸汁治如前

右以紫草茸水煎汁服

活血散治如前

右以白芍藥為末每服半錢或一字溫酒調下如只欲止痛者溫熱水調下無時

蟬蛻 子治如前

右以蟬蛻十枚去泥土洗淨碎之用水三大盞煎至八分去粗分二服出不快者帶熱服之若出多要消退者放冷服之神效

四聖散治瘡疹出不快小便赤澁心腹脹滿一切惡候亦治倒撮

紫草茸一兩木通細剉枳殼炒去穢黃芪炙剉甘草

半兩

右為末每服二錢水一盞煎至六分去滓放溫時時

叩之

川芎升麻湯治瘡疹已出未能勻遍或毒氣壅遏雖出不快此藥禦風透肌發瘡甚效

川芎

川升麻

當歸

去芦洗淨

白芍藥

各半兩

右為麤末每服一錢水七分盞煎至五分去粗溫服不拘時候

解毒湯治藏府蘊熱積毒發泄斑瘡稠密膿血大盛狂躁發渴咽嗑不利遍身潰潰苦無全膚不能轉側疼痛

不任

生地黄

四兩

犀角屑

白芍藥

牡丹皮

去心各半兩

右為麤末每服一錢水七分盞煎至五分去粗放溫

服之

黑龍散治小兒瘡疹纔發服冷藥伏撼三日間危篤急
進此藥

麻黃

去根節三分

竹茹

一分

蝎稍

二十個

蘇木

一分

乃火團也

一分

右為細末每服半錢水五分煎至三分溫服

白虎化班湯治瘡疹赤黑出不快毒盛煩躁或云大虎湯有為大人藥者殊不知孫真人言大人小兒為治不別但用藥多少耳

石膏

四兩
槌碎

知母

一兩
半剉

甘草

三分

人參

去芦
半兩

右為末每服二錢水一盞入粳米二十粒同煎至半盞去粗溫服小兒量大小分減初春深秋冬月寒時加棗煎服并乳母兼服大妙斷乳兒只自服

神通散治瘡疹倒撮伏陷不出毒氣稍輕大小便通利者

地龍

緊者去土
微炒一兩

朱砂

一兩
別研

生乾地黃

一兩已上
先為末

右同拌勻每服一字煎胡荽酒少許同溫湯調下無時

如聖散治瘡疹已生反倒撮內陷舌縮啼聲不出腹脹肚急一切惡証

右用蛇蛻皮於燈焰燒先用椀一隻在下纔燒焰絕

放在碗內急用椀一覆之不令透氣良久搗開細研
為末每服一字或半錢調藿香湯調下若變紅活時
則用牛蒡子炒熟為細末每服二錢水一盞煎至六
分放冷澄清以匙抄清汁頻頻與服能滋潤咽喉肺
經大解瘡毒

七神散治瘡疹毒氣內攻黑紫倒陷伏據危惡之候

臘月獷猪血

新瓦罐盛密封至
滲瀝乾秤一兩

牙硝一兩 硼砂

牛

黃射香

龍腦

各一錢細
研別入

餘血依舊封收之以

備再合要用

右拌勻研細以麤合貯之每二歲兒用一錢新水調服利下惡物瘡子紅活為度又一方更有朱砂細末一錢餘並同名救生散治如上甚者不過再服神驗無比又一方無礪砂却有膩粉朱砂各一錢研同勻名無比散小犢猪尾上血三五滴相拌小者一字乳汁調抹口中大者半錢新水調下餘並同

宣毒膏治如前曾經大效神妙

朱砂

一兩研
水飛

乳香

一兩研

甘草

細末
半兩

牙硝

半兩研

射香

一分研

生龍腦

一分研

右於臘月八日取獐猪尾後刺血一升用新瓦盆盛入諸藥同拌攪勻以一寬大舊竹筒底留一節都入在內用紙數重密蓋緊繫封合却入筒口邊通一竅子以麻索繫垂在大糞坑屋梁上至清明日取出曝乾更入龍射各一錢研細勻滴水和圓皂子大每服一圓煎人參湯化下若毒盛瘡子倒撮變黑服之則

紅活而長

猪血腦子治瘡疹黑紫倒撮不出

生龍腦

一字
研細

猪尾上取血

半蛤
蚬殼

右二味相和以帛子裹薄荷搽汁半合調上件藥勻
於湯中盪溫作一服飲之神驗一方取小猪兒尾尖
血三五滴研生龍腦末少許新水調下治如前 又
一方治瘡疹黑撮惡候醫所不治者用獾猪第二番
血清半合酒半合研龍腦細末少許和攪令勻服之

利一兩行十救十人大驗小者量與 又一方治瘡
疹發心間有熱或誤服熱藥致畜熱在心昏冒不省
人事瘡子黑撮用新殺豬心一個取心中血以生龍
腦一字同研合作一圓新汲水化下未省者再服

又一方治瘡疹黑撮倒陷於臘日收生豬血新瓦瓶
中密封候自然滲泣至乾每用半錢許研散入射香
少許同勻細新水調下其瘡變紅便出已上數方皆
與沈存中龍腦膏相似少有異爾並經大驗今俱錄

之

人齒散治瘡疹黑撮發搐危困

右以人牙齒三五枚炙令黃一方燒存性研為末入射香少許每半錢溫酒少許調下一方用乳香湯調下沈存中言屢見人用之效

白丁香散治如前

右以白丁香為末入射少許研勻每服一字米飲調下無時

桃膠湯治如前

右以桃膠煎湯飲之大效一方以水熬成膏溫酒調下無時

又方治如前

右以黑狗一隻牢繫住不與物喫一兩日候腸中舊糞盡與生粟米喫候粟米糞下於活水中淨淘只留化不盡米曝乾收之每用二錢再淘淨研為細末入射香少許新水調下頃刻間瘡變紅活

百祥圓牛李膏錢乙用此二藥治瘡疹惡候見於皮膚之下不出或出而不長反變黑紫倒撮內陷一切危急用百祥圓以瀉膀胱之府減腎氣不旺用牛李膏為治則病得從順也董汲云汲小年自病此幾殆父母已不忍覓服此牛李膏得安然此方得於世甚久惟收得不知早晚故無效今以收得併叙載之

百祥圓

又名南陽圓

右以紅牙大戟不拘多少陰乾漿煮軟去骨日中曝

乾復納汁中煮汁盡焙乾為末水和圓粟米大每服
一二十圓研赤脂麻湯送下無時吐利是效

牛李膏

又名必勝膏

右以牛李子不拘多少須於九月後取之乃野生道
邊至秋結實黑子成穗九月後乃得成熟者氣全故
也爛研絹濾取汁於石銀器中熬成膏可圓時秤每
膏二兩入研細射香末半錢和勻圓桐子大每二歲
兒一圓或圓作皂子大量大小分減用以漿水煎杏

膠湯化下凡瘡疹黑紫倒撮者不過再服當取下惡
血或如魚子惡物其瘡黑陷於皮下者即紅大而出
保生方論小兒瘡疹誤服涼藥太過身冷瘡陷不紅活
脉沉細者急投金液丹麻子大一二百粒或有可生之
意至免困極則無及矣方在和劑集中

調肝散治瘡疹平調肝經使毒氣通流瘡不入眼

生犀

錯屑一分

草龍膽

去芦半分

黃芪

半兩炙到

甘草

一分炒

大黃

一分炒過

桑白皮

一分炙到

鈎藤鈎子

一分

麻黃

一分去根節

石膏

半兩 括蔞實 半兩
研 去皮

右為散每服二錢水一盞煎至五分去滓溫服無時
兔肝圓治瘡疹入眼初覺眼腫痛便時時看之若睛上
無瘡即無害若有時須先服清涼飲子每日食後一服
取微利以去其毒然後服此二藥雖有赤白瘴膜遮交
其睛但瞳子不破陷者皆可治

黃蘗 一兩 蒼朮 半兩 米泔 一兩
去皮 水浸一日 石決明 生

右為細末煮兔肝爛搗和圓菜豆大每服三十圓米

泔水送下食後臨卧時服

龍蛤散與前藥服

龍膽草

去芦蛤粉等分

右為細末每服二錢獷猪肝半兩薄批摻藥在中以線纏定用米泔於銀石沙鉢內炭火慢慢煮至肝熟為度食後少頃食之以汁送下日三須先以清涼飲子利動方服此二藥必效

煎柿散

又名通聖散

治瘡疹入眼

穀精草

去根

白菊花

無印用
甘菊

菘豆皮

各一分

右為細末每服一錢用柿子一個粟米泔一盞同煎
至水盡取柿子喫之日三一月驗一云淺者五七日
效重者半月日效

仙灵脾散治瘡疹入眼

仙灵脾

威灵仙

去芦
等分

右為細末每服半錢米湯調下食後

珍珠散治瘡疹入眼翳膜赤痛羞明

括樓根

一兩

蛇蛻皮

全者炙
焦一錢

右為末用羊子肝一葉批開去筋膜摻藥末二錢麻
縷纏定米泔煮熟任意食之乳下兒未能食者以肝
研爛和圓黃米大生米泔下十圓乳頭餵亦可日三
令乳母兼食之佳

浮萍散治瘡疹入眼痛楚不可忍恐傷其目

右以浮萍草陰乾為末每服一二錢用羊子肝半片
入盆子內以竹杖子刺碎爛投水半合絞取肝汁調

藥服之食後不甚者一服便差若目已傷者十服差
蛇蛻散治瘡疹入眼翳膜侵睛成珠子

馬勃

一兩

皂莢子

十四個

蛇蛻皮

全者一條

右入一小罐子內泥封燒不得出煙燒存性研為末
溫水調下食後

仙朮散治瘡疹入眼生瘴膜丁子先用硃砂水銀粉各
一錢粉霜三錢一處拌勻入一小砂鍋子內盛訖新盞
一隻蓋口黃土泥縫炭火燒赤少時取出放冷收之如

左眼有病即取藥一豆大綿裹塞左耳中右眼有病塞右耳中然後服此仙朮散

紫蘇

一兩 蒼朮

米泔侵一宿焙二兩

穀精草

去根一兩

青蛤粉

一兩

右為末每用獾猪肝一片批開摻藥三錢在內麻縷纏定米泔熟煮先於氣上熏眼然後食之

煮肝散治瘡疹入眼諸藥不效

青箱子

草決明

車前子

密蒙花

各等分

右為細末用羊子肝竹刀薄批開摻藥二錢在內荷

葉裏麻縷縛定石器內煮熟任意喫

如聖湯治瘡疹毒攻咽喉腫痛

桔梗

去芦
一兩

甘草

一兩
生

牛旁子

一兩
炒

麥門冬

去心
一兩

右為末每服二錢沸湯點細細呷入竹葉煎之更炒食後服

治班瘡入眼

夜明砂

半兩

木香

半兩

淡竹葉

半兩

右為細末每服半錢或一錢井水調下食後服

紫雪治瘡疹毒攻咽喉腫痛水漿下難方載於和劑集
中

通關散治瘡疹心經有熱煩躁發渴口舌生瘡及大小
便不通

大黃 瞿麥 木通 山梔子仁 滑石 甘草

各半 地扁竹 一兩 車前子 半兩

右為末每服一錢水半盞入紫草少許同煎三兩沸
放冷溫服乳前食

甘露飲治瘡疹已發熱毒上衝牙齦宣腫不能嚼物并
乳母可俱服之

生乾地黄

切焙

熟乾地黄

切焙

天門冬

去心

麥門冬

去心

枳

枳葉

去毛

黃芩

去心

石斛

去根

甘草

炙

枳實

去穢

夫炒

山茵陳

葉

去土各一兩

右為末每服二錢水一盞煎至七分去滓溫服無時
青黛治瘡疹熱盛心神煩躁

右以青黛細研每半錢溫磨刀水調下日三

敗毒散治如前

白芍藥

甘草

炙

雄黃

醋煑水飛
各一分

右為末每服一字或半錢密水調下無時

牛黃散治瘡疹毒氣入胃便血日夜無度腹痛啼哭

麝香

一兩
一錢

右研勻細每二歲兒半錢漿水半盞煎至三分和滓

溫服日二

升麻湯治瘡疹已愈餘毒未解瘡痂雖落癩色黯慘或

凹凸肉起宜用此滅癩消毒

右以川升麻不限多少細剉水一大盞煎至七分取
汁以綿蘸洗拭瘡癩

青金散治瘡疹愈而癩不消

白蒺藜半兩 山梔子半兩 青黛半兩 膩粉一錢

右拌勻每用少許生麻油調塗癩上

又方治瘡疹癩子

右以密陀僧細研為末水調夜塗明旦洗之

又方

右以真玉時時磨瘡疹癩子久則平滑

清涼飲子瘡疹後解去餘毒

大黃

濕紙裹煨

當歸

洗去

赤芍藥

甘草

炙各等分

右咬咀每服一錢水一大盞入薄荷兩葉同煎至半盞去滓溫服食後更看虛實以意分減

神朱散治瘡疹後解去餘毒

赤小豆

二錢炒

槐花

二錢炒

射少許

右為細末每服半錢或一字溫酒調下臨卧只一服
微利之

小兒衛生總微論方卷八